

درسعادته یکی پوسته خانه قارشوسنده
داثره مخصوصه در

محل اراره:

مرآت الفکر

دین، فلسفه، ادبیات، حقوق و علوم دین باحث هفته لق رساله در

مؤسسلری: ابوالعلا زین العابدین - ح. اشرف ادیب

تاریخ تأسیسی:
۱۱ نور ۳۲۴

درسعادته	سنه لکی	القی ایلقی
ولایاتده	۶۵	۳۵
ممالک اجنبیهده	۹۰	۵۰
	۱۰۰	۵۵

غروشدر.

درسعادته نسخه سی ۵۰ پاره در
قیریلده دن مقوا بورو ایله کوندریلیرسه سنوی
۲۰ غروش فضلہ آلتیز.
درسعادته پوسته ایله کوندریلیرسه ولایات بدلی اخذ اولنوره

مسکلمزه موافق آثار جدیدیه مع المنوبیه قبول اولنور
درج ایدیلدین آثار اعاده اولغاز

اخطار:

عدد: ۳

۳۲۶ شعبان ۱۴ پنجشنبه ۲۸ اغستوس ۳۲۴

برنجی سنه

سوقاقدہ بیلہ برشی بولسہک صاحبی آرایہ جقسک . بوقدر
حق حقوق کوزہ تہ جکسک . یولہ برشی بولڈک . کیمسہ نک الندن
آلماڈک . حیلہ ایتڈک . اک اھون حقوق بو . دکی ؟ فقط ینہ حق در .
غایتی البت برینک یورکی یاغشدر . برسندہ صاحبی آرایہ جقسک . شریعت
اولہ امرایدر . مادام نفسکدن امینسک ، آل ، اعلان ایت . برسندہ
سوکر صاحبی چیقمازسہ فقیر ایسہک کندک یہ . حلال اولور .
احتیاجک یوق ایسہ فقراہ ویر .

بونک کبی احکام شرعیہ ہپ بیسان اولنش . ہرشیٹک حکم
شرعیسی وار . بویلہ حقوق الہی بی طانیایانلر ، حق حقوق تجاوز
ایدنلر وار . [فلاتعدوها] یوقی ؟ ...

بونلر نہ یہ بکزر بیلیر میسکز ؟ بر قوم ، برجاعت ، برچوق اھالی
کلشیر بر اسکلہ یہ . واپورہ ینہ جکلر . بر کی طوتمشیر . کیدہ جکلر
بر یرہ . لکن کبی ایکی قاتلی . بالطبع ہرکس کوکرتہدہ او طور مق
ایستہر . فقط بو ممکن دکل . ایچلرندن برینک تکلیفی اوزرینہ قرعہ
چکلر . کیمی یوقاریدہ بولنغہ ، کیمسی دہ انباردہ قالمغہ مجبور اولور .
ساحلندن آچیلرلر . لکن واپورہدہ قرعہ اولدینی کبی حواج بشریہ
لازم . اکمک لازم . صو لازم . بر طاقلری یوقاریدن قولایجہ صو
آلیرلر . فقط اشاغیدہ کیلر یوقاری چیقمنغہ مجبور اولور . صو آلیرکن ،
صوبی کچیرکن بالطبع یوقاریدہ کیلری راحتسز ایدر .

— اولہ یایماہلم ، دیورلر ، بز حقسزلق ایدیورز . بو آدملرک
راحتی بوزیورز . واقعا مجبور آکیدییورز ؛ لکن اونلری ازعاج ایدیورز .
طانی بی صو اولہ حق او . طونہ کبی ، دجلہ کبی ، ایچیلہ جک
بر صودہ کبی کیدیور .

— نہ نہ یایماہلم ؟

— بزده اشاغیدن بردلیک آچارز . قولای قولای اورادن صو آلیرز .
اونلریدہ ازعاج ایتیز .

— بک اعلا ! دیرلر .

فقط یوقاریدہ کیلر بونی خبر آلیر . شیدی نہ یایقی لازم کلیر اونلرہ ؟
سکوت ایدرلر سہ ہپی ہلاک اولہ جقلر . عقلی بو ؟ واپورک انبارندن
بردلیک دہ لینیرسہ نہ اولور او واپور ؟ ایچندہ کیم صاغ قالیر ؟

شیدی [وان اخذوا...] اکر اللہینی طونارلر ، اونلری کوزلجہ باغلارلردہ :
— بھی شاشقینلر ! دیرلر سہ ، سزده باطہ جقسکز ، بز دہ باطیرہ .

جقسکز . اورادن صو کلیرسہ حالز نہ اولور ؟

بویلہ قوللرینی کوزلجہ باغلارلر ، باشلرینہ برردہ طوقات ایندیرر .
لرسہ ایوی یاپارلر ، فنامی ؟ ..

البت ای یاپارلر . چونکہ اولہ یایمقلہ نجات بولورلر .
ایشتہ بونک کبی ملت اسلامیہ اولسون ، ملل غیر مسلمہ اولسون
جلہ سہ ، اصل صراط مستقیم حضرت پیغمبر افندمن کوسترمشدر .
ظلمکارلقدن علی الاطلاق منع ایتشدہر .

— تبعہ غیر مسلمہ یہ ظلم ایدنلرک خصمی بنم .

بوحریت ، بو اخوت ہمزہ شامل در . منفعتز مشترک . خور
باقاملی ، دائما معاونت ایتلی کہ حرمت کورمسک .

[عسی الله ان يجعل بینکم و بین الذین عادیتم منہم مودۃً واللہ
قدیر واللہ غفور رحیم] عدالت ایدک ! مساوات اوزرہ حرکت ایدک ! کہ

ایلدیکی ترقیات سایہ سندنہ کوندن کونہ یاقلاشدینی مدینت حقیقیہ یہ ،
کال اجتماع بشری یہ یکانہ بر تمثال اولدینی براہین ایلہ کوستردک .
دھا صکرہ ایسہ شوزماندہ تربیۂ بنات خصوصندہ طوندقلری یولی بزم
ایچون تعقیب ایتک جائز اولہ حق ہیچ بر ملت موجود اولمیدنہ
اجتماعیون ایتک تحقیقاتندن اولمق اوزرہ بر چوق دلائل کتیردک .
بونلرک مجموعندن دہ بر امت متمدنہدہ قادینک نصل اولمسی لازمکلیہ جکنی
چیقارمق ایستہدک . ایشتہ اوزمان تاریخک ، طبیعتک شہادتیلہ مسلمان
قادینی پیش نظر مندرہ کمال نسوانہ بزمثال ، ہمدہ بتون نسوان عالمینک
مقتداسی اولمق ایجاب ایدن بزمثال ، ترقی جنسہ بر اغوذج اولہرق
نجلی ایتدی . نصل کہ بزمثالر ارککلری دہ قدوة الرجال ایدی !

توفیق حقندن امید ایدہر ز کہ کتابز مسلمان قادینلرینک تہذیبی
خصوصندہ اساسی بردستور ، تربیۂ بنات مسئلہ سندنہ ابون ایچون
قوتلی برسائق اولسوندہ بنہ لرینہ ، مزاجلرینہ موافقتی اکلاقلری
علاجی قبولدن مصرلیرک ہیچ بزمثال کری طورمایہ جقلری طرزندہ کی
دعوامز بردلیل محسوس ایلہ تأیید ایتسون .

مترجمی :

محمد عاکف

—

مواعظ

مقرری : مناستری اسماعیل حق افندی حضرتلری

محرری : سیروزلی ح . اشرف ادیب

— درس ۴۶ مابعد —

امان یارسول الله ظالمہ نصل نصرت ایدہلم ؟

— [تأخذ فوق یدہ] ظالمہدہ یاردم اولور . اللہینی
طونارسک ، صیم صیق باغلارسک . ایشتہ اوکا خدمت در او . ظالمہ
ظلم ایدن کندیندہ ظلم ایدر . نفس کندینک مظلومی در .

نصل کہ حدیث آخردہ بیورلمش : [حدثنا ابو نعیم حدثنا ذکر یا قال
سمعت عامراً يقول سمعت النعمان بن بشیر رضی اللہ عنہما عن النبی
صلی اللہ علیہ وسلم قال مثل القائم علی حدود اللہ والواقع فیہا مکمل
قوم استہملوا علی سفینۃ فاصاب بعضهم اعلاھا وبعضہم اسفلھا فکان
الذین فی اسفلھا اذا استقوا من الماء مروا علی من فوقہم فقالوا لو اننا
خرقنا فی نصینا خرقة ولم نؤذ من فوقنا فان یتزکؤہم وما ارادوا ہلکوا
جیما وان اخذوا علی ایدیہم نجوا ونجوا جیما]

حدیث شریفہ بیان اولونان سلسلہ اوزرینہ روایت اولنیور .
اصل حضرت پیغمبر افندمندن ایشیدن نعمان بشیر حضرتلری دیورکہ :
برکون سلطان انبیا افندمن بیوردیلر کہ : — سزہ برشی
سویلیہ جکم . ای دیکلہ یک . حالکزی اکلاہ سکز . آخر زمانہ طوغرو
قالیرسہ کز انتباہ حاصل ایدرسکز . ائمہ نقل ایدک .

[مثل القائم علی حدود اللہ والواقع فیہما]

اللہک حدودینی کوزہ نلروار . ہرشیٹہ برحدتین ایتمش اللہ .
حدود الہیہ حق ، حقوق تفریق ایدن حدود الہیہ وار . اولہ دکی ؟
ہرشیٹک برحدی وار . اونی کچمہ ملی . نہ افراط ایستہر ، نہ تقریط .
حدود الہیہ کیلر ، حدود سبحانیہ کیلر ، حق حقوق
طانیایانلر یوقی ، بونلری بکرتہ جکم .

بنم ائمہ ایکی قسمدر . بر قسمی اللہک حدودینی طانیہر .

دشمنان کز سزه دشمنانک ایدر لر کن دوست اولور . الله غفور رحیم در .
بوندن بویله مساواتله هل ایدر سه کز بتون علیه کز ده بولونالو دوست کز اولور .
[عادیتم] دقت ایدیور میسک ؟ .. (سزده دشمنانک ایدک .
حقوقلرینی ابطال ایدک ، دینلرینی تحقیر ایدک) دینور . سن ده دشمنانک ایدر سه ک
دشمنانک کورورسک . بونی ازاله ایدک عدالت در . دها ای دکی
انسانجه یاشامق ؟ .. تجارتک سربست . معاملهک سربست . نزهیه
کیدر سه ک حرمت کورورسک . دائماً غل و غشله یاشامق یاشامق میدر ؟ ..
صوکر ا نه بیورور ، [لاینبهکم الله عن الذین لم یقاتلوکم فی الدین
ولم یخرجوکم من دیارکم ان تبروا] اه عظیم الشان ، جناب رب
العالمین ، ای مؤمنان ، سزی نهی اتمز ، [صاقین یامایک] دیمز .
نه دن ؟ بونلر دینکز ایچون هجوم اتمیور .

دینی محو ایچون محاربه ایدر سه او وقت مقابله ایدک جکسک .
او باشقه . [یا ایها النبی جاهد الکفار والمنافقین و اغلظ علیهم ...]
دینکی محو کلیر سه او وقت مرحمت اولماز .

لکن بوراده [لم یقاتلوکم فی الدین] بو آدملر سرکله دین قاوغاسی
ایتمیورلر . [ولم یخرجوکم من دیارکم] سزی وطنکزدن ده چیقارما یورلر .
یعنی نه دنیا کزه ، نه دینکزه تعرض ایدیورلر .

بر قوم که یهودی اولسون ، خرسقیان اولسون ، مجوسی اولسون ،
پت پرست اولسون ، ولوقبطی اولسون ، مادام که دینکزه تعرض اتمیور ،
دنیا کزه تعرض اتمیور ، ظن اتمه که اونلره عدالتله معامله دن الله منع ایدر .
[ان تبروا و تقسطوا الیهم] هرکسه بر معامله ایدک . عدالتله
اجرای حکم ایدک . مادام که :

— قارداش کبی یاپلم ، دیور ، ال بر لکیله چالیشلم ، دیور ...
بویله کیمسه لره مشفقانه معامله ایدک . خسته سنی زیارت کیت ،
جنازه سنده بولون ! یالکز اشته آییننه اشتراک اتمه ! بالذات رسول الله
کیدر ، خسته لرینی زیارت ایدر ، جنازه لرنده بولنوردی .

جوار مسجدده بر یهودی واردی . جناب رسولک خدمتنده
بولنوردی . آخرتی تشریفلرینه یقین بر زمانه تصادف ایتدی .

— کل ، دیدی ، برکله سویله . بزذن اوله سک ! .. استعداد
کوردی . اخلاقی صوک درجه کوزل ایدی . چو جق باباسنه باقدی :
— باقسه ک آیددی ، بکانه تکلیف ایدر ! .. نه جواب ویردی بیلیر میسکز ؟
— ابوالقاسمه اطاعت ایت . مادام خدمتنده بولوننک . قبول ایت . حریتک وار .

اونک اوزرینه شهادت کتیردی . اشته حسن معامله دینزه ده
بر علویت قازانیدر . الله جله مزی منام غفلتدن ایقاظ ایلله ! ... حریمزی
دائم ، جمیمیزی پایداریلله ! .. پادشاهیمزی حسن نیتنده ثابت و برقرار
ایلله . قانون اساسی علیهنده بولونانلری مقهور ایلله ! .. آمین ! ..

ایشته مشاوره نی فرمان بیورور الله . ابوالسعودک دیدیکی کبی
اوج نکته وار بوراده . اولله دیوردی حضرت پیغمبر افندمز :
— واقعا دین ایشنی بن دها ای بیلیرم . فقط دنیا ایشلرینی شبهه سز
سز بندن دها زیاده بیلیرسکز .

فی الحقیقه بویله در . چونکه پیغمبر لرک ذهنلری دائماً علویاته میال در . دنیا
امورینه او قدر وقوفلری اولماسی طبیعی کورولور . اونلر دائماً معالیاتله
مشغول . اونک ایچون : — دنیا ایشنی بندن دها اعلا طایر سکز ! ..
بیورور ، آرای امتدن استیضاح کیفیت ایدردی . صوکر ا کلنلره ده

بر اقدی . آیت کریمه ده کندیسنه امر اولونیور . فقط اصل امر ، بزه در . زید
وزینب قصه سی کبی . اوغلانک مطلقه سنی آلدی . ایلک اول بو اوغللق مسئله سنی
بویله فعلاً قالدیردی . او ، بویله یانماسه یددی ، امت بونی یاپه بیلر میدی ؟
صوکر ا [فاذا عزمت فتوکل علی الله . ان الله یحب المتوکلین] مشورتله ،
مذاکره ایلله حقیقت میداننه چیققدن صوکر ا ... قرار ویردک یا ؟ ..
دونوب ، طولاشوب سسکا کله جک . (مجلس مبعوثان) بو آیتدن
آتمشدر ، دیسم جائز — نهیه قرار ویررلر سه سسکا کله جک . اجرایی
سسکا عائد . مبعوثان قراری ویرمش . سسکا کلدی . سن ده موافق کوردک .
عزم ایتدک اجرایه . عزم ایدنجه او وقت الله توکل ایت . یوقسه
نه مبعوثلر ، نه مذاکره ... هیچ بری یوق . اولله توکله (حماقت) دینیر .
هر شیئی حاضرلا . هر سبیه توسل ایت . صوکر ا کندینه مغرور
اولله . الله دعا ایت . بر مانعه یه تصادف ایتسون ایشک . [ان الله یحب
المتوکلین] الله دائماً متوکل قوللری سور .

توکله بعضلری اعتراض ایدر : — اسلامک عدم ترقیسی اونندن در ، دیورلر .
توکل ، قضاء ، قدر ... تذل ، تذل او طور مشلر . بونلر دن نه خیر او مولور ؟ ..
توکلک حقیقتنی اکلامیانلر ، جاهلاننه اعتراض ایدرلر . ایشه
بو آیتدن آکلاشیلیر خطالری :

— مشورت ایت . آکلا ، دیکله . تحقیق ایت . اجرایه قالدیش .
صکراده توکل ایت .

باشدن توکل دکل . اسبابی حاضرلا دقندن صکر ا توکل ایت . کندینه
مغرور اولله . عجزینی بیل . الله قارشی توکل له اکتفا ایلله ! ..

قوللره قارشی توکل مسکنت در . سسکا بکا قارشی عجزینی اعتراف
ایلله مدد او مار سه ک ... بو توکل ، ذلت در . بتون اسبابی حاضرلا . بتون
ایشلرینی طاسارلا . اجرایه قالدیش . او وقت توکل ایت .

اعرابینک بری کلدی مسجد سعادت : — یار رسول الله ، دیدی ،
متوکل اوله رق دوه می بر اقهیم می ؟

— خایر ، دیدی جناب پیغمبر ، پشین باغلا . هم ایجه باغلا که
سوکوب قاچاسون ، بونکله ده همان (سلامت بولدم) دیعه . وظیفه کی یاپ ،
صوکر ا الله متوکل اول ، سن انندن کلنی یاپ . باشنه بر بولار قوی ، محکم بر
طرفه باغلا . صوکر ا بر ظالم کلوب دوه می آشیرماسون دبه الله توکل ایت .
ایشته حقیقت توکل بوندن آکلاشیلیر . [وشاورهم فی الامر فاذا
عزمت فتوکل علی الله] عازم اولدقندن صکر ا ، قطعی قرار ویردکدن
صوکر ا توکل ایت . اکیفی اکدک ، بیچدک ، دمت یاپدک . بتون بواسبابی
بحق ایفا ایتدک . صوکره توکل لازم . یوقسه اکهدن توکل ایدر سه ک
قائد سزدر . توکله بغدادی اتمز . کندی کندینه اکیلسون . بتسون .

کندی کندینه خرمن اولسون ، دیر سه ک احق سسک . توکل او دکل .
توکل : آفت کلسون . ترلا ده ایکن طولو یاغسون . آنباره کیردکدن
صوکر ا یاغسون بونلره اولور . هر درلو اسبابی حاضرله دن خالی
قالیه جقسک . صوکر ا تقویض امر ایدک جقسک . الله اعتماد ایدک جقسک .

[وکفی بالله وکیلاً] الله کافی . [ان الله یحب المتوکلین] هرکیم متوکل
اولور . کندی تدبیرینه مغرور اولماز ، نائل اولدنی نعمتله شمارماز ...
اونلر مظهر معاونت الهیه اولور . اولله انسانلر پایداریلور . اصل
متوکلین بودر ایشه . بو قدرله اکتفا ایدلم . ۶۶ نجی درسک صوکی

حکمت حقوق اسلامی

مقرری : مجلس معارف رئیس حیدر افندی مرحوم
محرری : سلاطین مکتب حقوق معلمان عادل بک

— مابعد —

آدم علیه السلام بن بری تلاحق ایدن افراد بشرک انواع افعالی حد و حصره کلز درجه ده چوق در . واقعا بو عالمک بقاسی محدود در . دنیاک فناسیه افعال بشرده متنی اوله جق . اما دنیا باقی قالدقچه افعال بشرده برقرار بولنه جقدر . هر فعل بشر ایچون بشقه بشقه حکم تعیین و تصریحی ایسه متعسر اولور . بناءً علیه بعض حکملرک دلیلرندن یعنی حکمی منصوص و مصدق اولان فعللرک مستند اولدینی اده دن وقت حاجتده احکام چیقاروب مناسب اولانلرینی او حکمه قیاس ایتک ایچون برطاقم قانونلر ، قاعدهلر ، قضیهلر وضع ایتدیلرکه بوقضیهلرک موضوعی افعال مکلفین ، محمولده احکام شرعیه در : فرض ، وجوب ، ندب ، حرمت ، کراهت کبی .

مثلا : نماز افعال بشریه دن در . نماز واجب در . حج واجب در . . . دیدیلر ، بویله برطاقم قضیهلر وجوده کلدی . شیمدی بوقضیهلره تعلق ایدن حاصل علمه (فقه) دیدیلر . صکره بو ادهلرک و احکامک تفصیلاتنه نظر ایتدیلر . بواده و احکام اوزرینه استدلالک کیفیتنده تأمل و بوابده اعمال فکر ایده رک بواده و احکامک محتاج الیهی اولان تبعاتده اطر ایتدیلر . مثلا بر دلیل عامی در ، خاصی در ؟ — دها بر چوق اقسامی وار — بوجهتلیر تدقیق ایده رک نتیجه تبعاتلرنده برطاقم ده قضیهلر وجوده کتیردیلرکه بولرده بعض متمات علاوه سی صورتیه ضبط و تدویندن حاصل اولان هیئت مجموعه یه [اصول فقه] تسمیه ایتدیلر . ایشته (علم اصول فقه) بویله تأسس ایتدی و تعریفده کی [علم اصول فقه ...] تعبیرینک مستلزم اولدینی ایضاحاتده بوراده بیتدی .

..

[احکام] حکمک جمعی در . هر فنده بشقه بر معناسی و ارسده بوراده : افعال مکلفینه متعلق اولان خطاب الهینک اثرینه حکم دیرلر . مثلا فرض ، وجوب ، ندب ، اباحه ، کراهت ، حرمت عباداته متعلق احکام شرعیه در . بر عقدک منعقد ، باطل ، صحیح ، فاسد ، نافذ ، موقوف لازم ، غیر لازم اولسی ایسه معاملاتده جاری احکام شرعیه در . مثلا : شارع نماز قیلک دیه مکلفینه امر ایدیور ، ایشته بو خطابک اثری اولان فرضیت بر حکم شرعی در . واقعا شافعی یه کوره حکم (نفس خطاب) ایسه ده مذهب حنفی ده سولمیکمز کبی او خطابک اثریدر .

..

[شرعیه یی] قیدیلده احکام حسیه و عقلیه خارج قالور . مثلا « عالم حادثدر » جمله سی بر حکم ایسه ده ، اصوله متداثر اولیوب ، احکام عقلیه دندر . کذلک « آتش محرق در » ترکیبی ده بر حکم حسی در « لکن نماز فرض در » ، « قتل حرامدر » سوزلری احکام شرعیه دندر ، یعنی شرعده نصب و اقامه اولنش ، شرع شریفدن مأخوذ بولنش حکملر در .

..

تعریفه بعضاً [فرعیه] قیدیلده علاوه اولنور ، که بونکله احکام اصلیه و اعتقادیه خارج قالیر . مثلا : « اجاع ، حقدر » ترکیبی ، واقعا بر حکم شرعی ایسه ده ، احکام فرعیه و عملیه ده داخل اولیوب احکام اصلیه دندر . کذلک « بمث حقدر » دینیکمزده ، بوده بر حکم افاده ایدیورسه ده ، بو حکم ده احکام اعتقادیه دن در . دیک که تعریفده کی احکامدن مقصود ، احکام شرعیه عملیه در که بولرده اده دن استنباط اولنور .

..

اده دلالت جمعی در . صحیح نظرله بر مطلوب خبری یه توصل ممکن اولان شیئه دلیل دیرلر .

صحیح نظر ، بر فکر تام دیک در . یوقسه (کورمک) دیک دکل در . یعنی ذهنی اویناده رق محاکمه و ملاحظه ایله وقوعبولان تدقیق نتیجه سنده مقصده وصول خصوصنه صحیح نظر دینور .

مثلا عالم وجود صانعک دلیل در . زیرا شوترتبیات انیقه و تنسیقات رشقه یی تدقیق ایدر ، بوابده اعمال نظر ایدر سهک صانع عالمک وجودینه واصل اولورز .

کذا (عالم حادثدر) جمله سی بر دعوا در . بونک دلیل ده عالمک تغیری در . هر متغیر ایسه حادثدر . بناءً علیه عالم ده حادث در . شو ایکی مقدمه دلیل در ، و بودلیله بر فکر صحیح ایله باقارسه ق مطلوب ده ثابت اولور ، که اوده عالمک حادث اولسی در .

احکام شرعیه ده ده حال بومرکزده در : اده شرعیه حقنده دخی اعمال فکر و نظر ایده جک ، بولری محاکمه و ملاحظه ایله تدقیق ایلیه جک اولورسه ق شبهه سز بر مطلوبه توصل اولنور . مثلا : (نماز قیلک) دیه بزه بر امر وار . ایشته بو امر ، نمازک فرضیتنه دلیل در . بوابده کی نظم جلیک احوال و عوارضی تدقیق بزی بر مطلوب خبری یه ایصال ایدر که اوده حکم فرضیتی در .

..

[تفصیلیه سندن] زیرا بوراده کی اده دن مقصد ، اده تفصیلیه در ، اده اجالیه دکلدر .

اده تفصیلیه دیک ، اده معینه و مشخصه دیمکدر . مثلا : « اقیوا الصلاة » امرندن ، معین و مشخص اولان بودلیلدن وجوب صلاتی یه بو حکم شرعی فرعیی استخراج ایدیورز .

ایشته بویله بر دلیلدن او یله بر حکم شرعی فرعیی استخراج کنده وسیله توصل اولنان قاعده لری بیلدیرن علمده (اصول فقه) دیورز .

..

[استنباطه] دنیلیورده (استخراج) دنیلیور . چونکه اصل استنباط ، قویودن صو چیقارمه دیرلر . احکام شرعیه یی اده سندن چیقارمق ایچون ده تعمیق آرا و افکار لازم اولوب بونک قولای برشی اولمیفنده ده استخراج یرینه استنباط قولاللمسی بر اشارت در .

..